

AEG
SERVICE

AEG SERVICE

ԷՅԻՔԻՍԵՐՎԻՍ ՄՐԸ



18032

Պայմանագիր

ԲՆԱԿԱՆ ԳԱԶԻ ՈՉ ԿԵՆՑԱԴԱՅԻՆ ՍՊԱՌՈՒՄ ՈՒՆԵՑՈՂ

ԿԱԶՄԱԿԵՐՊՈՒԹՅԱՆ ՑԱՏՐ ԶՆՇՄԱՆ ԳԱԶԱՏԱՐ

ԽՈՐՈՎԱԿՆԵՐԻ ԵՎ ԳԱԶԱՕԳՏԱԳՈՐԾՈՂ

ՍԱՐՔԱԿՈՐՈՒՄՆԵՐԻ ՏԵԽՆԻԿԱԿԱՆ ՍՊԱՍԱՐԿՄԱՆ

ԵՎ ԿԱՐԳԱԲԵՐՄԱՆ ԾԱՌԱՅՈՒԹՅՈՒՆՆԵՐԻ

ԿՃԱՐԿԻ ՄԱՏՈՒՑՄԱՆ



ԲՆԱԿԱՆ ԳԱԶԻ ՈՉ ԿԵՆՑԱՂԱՅԻՆ ՄՊԱՌՈՒՄ ՈՒՆԵՅՈՂ
ԿԱԶՄԱԿԵՐՊՈՒԹՅԱՆ ՑԱԾԻ ՃՆՇՄԱՆ ԳԱԶՏԱՐ ԽՈՂՈՎԱԿՆԵՐԻ ԵՎ
ԳԱԶՕԳՏԱԳՈՐԾՈՂ ՍԱՐՔԱՎՈՐՈՒՄՆԵՐԻ ՏԵԽՆԻԿԱԿԱՆ
ՄՊԱՍԱՐԿՄԱՆ ԵՎ ԿԱՐԳԱԲԵՐՄԱՆ ԾԱՌԱՅՈՒԹՅՈՒՆՆԵՐԻ ՎՃԱՐՈՎԻ
ՄԱՏՈՒՑՄԱՆ

ՊԱՅՄԱՆԱԳԻՐ N 6-593

ք. Երևան

«20» 05 2020թ.

ՀՀ Պեղակալի Եկամուտների Զոժերի
(կազմակերպության, ծառայության անվանումը)

(այսուհետ՝ Պատվիրատու), ի դեմս գլխավոր ժողովրդավար
(պաշտոնը, անուն/ազգանուն)

Զորային Գերագույնի, որը

գործում է Կառավարություն հիման վրա և «Էյ-Ի-Ջի-Սերվիս» ՍՊ

Ընկերությունը (այսուհետ՝ Կատարող), ի դեմս Ընկերության Գլխավոր տնօրեն
Արման Նալբանդյանի, որը գործում է Ընկերության կանոնադրության հիման
վրա, մյուս կողմից, միասին հիշատակման դեպքում՝ Կողմեր, կնքեցին սույն
պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

- 1.1 Պատվիրատուն հանձնարարում է, իսկ Կատարողը պարտավորվում է
մատուցել Պատվիրատուի ցածր ճնշման գազատար խողովակների և
գազօգտագործող սարքավորումների տեխնիկական սպասարկման և
կարգաբերման ծառայություններ /հերթական և արտահերթ՝ վթարային
սպասարկում/ այսուհետ՝ Ծառայություններ:
- 1.2 Պատվիրատուի ցածր ճնշման գազատար խողովակների և
գազօգտագործող սարքավորումների տեսակը և քանակը սահմանվում են
Պայմանագրի անբաժանելի մաս հանդիսացող Հավելվածում: 1-33
- 1.3 Ծառայությունները ներառում են՝

ա/ Հավելվածով սահմանված ցածր ճնշման գազատար խողովակների զննում
օճառափրփուրով կամ գազի արտահոսք որոնող սարքով, զոդակարերի
կիսություն ստուգում, իսկ գազի արտահոսքի առկայության դեպքում՝ դրա
վերացում:

բ/ Հավելվածով սահմանված գազի կարգավորիչ կետի (ԳԿԿ ԴԿ)
տեխնիկական սպասարկում և կարգաբերում:

գ/ Հավելվածով սահմանված գազօգտագործող սարքավորումների
աշխատանքների ստուգում, տեխնիկական սպասարկում և կարգաբերում
/մինչև գազայրիչ/:

1.4 Պայմանագրի 1.3 կետում նշված հերթական Ծառայությունները Կատարողի
կողմից իրականացվում են հետևյալ պարբերականությամբ*/ընդգծել/՝

-ամիսը մեկ անգամ ✓

-երկու ամիսը մեկ անգամ

-եռամսյակը մեկ անգամ

* Եռամսյակ է համարվում ֆինանսական տարվա եռամսյակը

2. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ

2.1 Սույն Պայմանագրի գինը Պայմանագրի գործողության ողջ ընթացքում
մատուցված Ծառայությունների համար կազմում է 2.320.826 ջրած

(գումարը թվերով)

երկու ծխիլուն երեք հարյուր քառասուն
հարյուր ութ հարյուր քառասուն

) ՀՀ դրամ՝ ներառյալ ԱԱՀ:

(գումարը տառերով)

2.2 Պայմանագիրը կնքելուց հետո Կողմերի փոխադարձ համաձայնությամբ
Պատվիրատուն կարող է վճարել կանխավճար, իսկ պայմանագրի 2.1
կետով նախատեսված գումարի մնացած մասը Կատարողին վճարվում է
մատուցված ծառայությունների վերաբերյալ կազմված հանձնման-
ընդունման ակտի և հաշիվ-ապրանքագրերի հաստատումից
/ստորագրումից/ հետո՝ 5 /հինգ/ աշխատանքային օրվա ընթացքում:

2.3 Պատվիրատուի կամ նրա ներկայացուցչի կողմից համապատասխան
փաստաթղթերի (հանձնարարական ամփոփագիր, մատուցված
Ծառայությունների հանձնման-ընդունման ակտ, հաշիվ-ապրանքագիր)
հաստատումը (ստորագրումը) նշանակում է Պայմանագրի 1.3 կետում
նշված Ծառայությունների ընդունում:

2.4 Պատվիրատուն Կատարողի կողմից մատուցված Ծառայությունների
դիմաց վճարում է անկանխիկ՝ Կատարողի բանկային հաշվին փոխանցելու
եղանակով:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

3.1 Կատարողը պարտավոր է՝

3.1.1 Ծառայությունները մատուցել Պատվիրատուի իրավաբանական և/կամ
գործունեության հասցեում՝ Համբարձում Եղգա
հասցե ներքո:

3.1.2 Ծառայությունները մատուցել պատշաճ որակով, 1.4 կետում նշված
պարբերականությամբ, ՀՀ օրենսդրության համապատասխան:

3.1.3 Պատվիրատուի գազամատակարարումը դադարեցվելու դեպքում
Պատվիրատուի հետ կատարել վերջնահաշվարկ:

3.1.4 Սույն Պայմանագրի անբաժանելի մաս հանդիսացող Հավելվածում նշված
ցածր ճնշման գազատար խողովակների և գազօգտագործող
սարքավորումների թերություններ, անսարքություններ հայտնաբերելու
դեպքում այդ մասին պատշաճ ծանուցել Պատվիրատուին:

3.1.5 Ծառայությունները մատուցել անձամբ:

3.1.6 Պատվիրատուի պատշաճ հայտի հիման վրա մատուցել արտահերթ՝
վթարային սպասարկում

3.2 Պատվիրատուն պարտավոր է՝

3.2.1 Պահպանել գազասպառման համակարգի շահագործման
անվտանգության կանոններն ու պահանջները, ինչպես նաև,
օգտագործվող սարքավորումների գործարանային հրահանգների
պահանջները:

3.2.2 Գազասպառման համակարգում չօգտագործել ինքնաշեն սարքավորումներ:

3.2.3 Արգելել բնական գազից օգտվելու անվտանգության կանոնների և պահանջների վերաբերյալ հրահանգավորում չանցած անձանց՝ գազասպառող համակարգը շահագործելուց:

3.2.4 Կատարողին տրամադրել՝ ցածր ճնշման գազատար խողովակներում և գազօգտագործող սարքավորումներում հայտնաբերված թերությունների, անսարքությունների վերացման համար անհրաժեշտ, փոխարինման ենթակա սարքերը, պահեստամասերը:

3.2.5 Կատարողին ներկայացնել ցածր ճնշման գազատար խողովակների և գազօգտագործող սարքավորումների նախագծման և կատարման տեխնիկական բոլոր փաստաթղթերը, ինչպես նաև հետագայում դրանցում կատարված փոփոխությունները՝ փոփոխությունները կատարելուց հետո երկու աշխատանքային օրվա ընթացքում:

3.2.6 Թույլատրել Կատարողի աշխատակիցների (ներկայացուցիչների) մուտքը կազմակերպության տարածք և չխոչընդոտել նրանց կողմից իրենց պարտականությունների կատարմանը:

3.2.7 Գազամատակարարման դադարեցման ակտի առկայության դեպքում 5 /հինգ/ աշխատանքային օրվա ընթացքում Կատարողին ներկայացնել ակտի կրկնօրինակը:

3.2.8 Ողջամիտ ժամկետում վերացնել ցածր ճնշման գազատար խողովակների և գազօգտագործող սարքավորումներում տեխնիկական սպասարկման Ծառայությունների մատուցման ընթացքում Կատարողի կողմից հայտնաբերված և իրեն ծանուցված խախտումները կամ թերությունները՝ ապահովելով դրանց հուսալիությունը, ինչպես նաև աշխատանքի, մարդկանց կյանքի և գույքի անվտանգությունը:

3.2.9 Սույն Պայմանագրով սահմանված ժամկետներով և կարգով վճարել Կատարողին մատուցած Ծառայությունների համար:

3.3 Կատարողն իրավունք ունի՝

3.3.1 Ինքնուրույն որոշել Ծառայությունների մատուցման համար անհրաժեշտ մասնագետների քանակը և որակավորումը:

3.4 Պատվիրատուն իրավունք ունի՝

3.4.1 Հետևել Կատարողի կողմից կատարվող աշխատանքների գործընթացին և որակին՝ առանց միջամտելու վերջինիս գործունեությանը,

3.4.2 Անհրաժեշտության դեպքում ստանալ արտահերթ վթարային սպասարկում

4. ԱՆՀԱՂԹԱՀԱՐԵԼԻ ՈՒԺԻ ԱԶԳԵՑՈՒԹՅՈՒՆԸ (ՖՈՐՍ-ՄԱԺՈՐ)

4.1 Սույն պայմանագրով պարտավորություններն ամբողջությամբ կան մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղողակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 /երեք/ ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

5. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ ԵՎ ԱՅԼ ՊԱՅՄԱՆՆԵՐ

5.1 Պայմանագիրը ուժի մեջ է մտնում 2020 թվականի հունվարի « 1 » -ից և գործում է մինչև 2023 թվականի դեկտեմբերի « 31 » -ը:

5.2 Կանչերը ընդունվում են աշխատանքային օրերին և ժամերին 08029-75-27 հեռախոսահամարով:

5.3 Պատվիրատուի պարտավորությունների չկատարման արդյունքում առաջացած վնասների ռիսկը կրում է Պատվիրատուն:

5.4 Սույն Պայմանագրի ամբաժանելի մաս հանդիսացող Հավելվածով սահմանված ցածր ճնշման գազատար խողովակների և գազօգտագործող սարքավորումների քանակի փոփոխություն դեպքում կատարվում է սույն պայմանագրով սահմանված Ծառայությունների գումարի վերահաշվարկ:

- 5.5 Պայմանագրով չնախատեսված հարաբերությունները կարգավորվում են ՀՀ օրենսդրությամբ սահմանված կարգով:
- 5.6 Պատվիրատուի ցածր ճնշման գազատար խողովակների և գազօգտագործող սարքավորումների նորոգումների, վերականգնման, վերակառուցման աշխատանքների իրականացումը Պատվիրատուի կողմից այլ անձանց պատվիրելու և վերջիններիս կողմից կատարելու դեպքում, Կատարողը հմարավոր հետևանքների համար պատասխանատվություն չի կրում:
- 5.7 Պայմանագիրը կազմված է հայերեն լեզվով, երկու օրինակից, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:

6 ԿՈՂՄԵՐԻ ԻՐԱՎԱԲԱՆԱԿԱՆ ՀԱՍՑԵՆԵՐԸ ԵՎ ԲԱՆԿԱՅԻՆ ՏՎՅԱԼՆԵՐԸ

ՊԱՏՎԻՐԱՏՈՒ

ԿԱՏԱՐՈՂ

«ԷՅ-Ի-ՋԻ-ՍԵՐՎԻՍ» ՍՊԸ
ՀՀ, ք.Երևան, Աղոնցի 10
Հեռ.՝ (010) 29-75-27, 20-94-60
Էլ. փոստ aegias@mail.ru
ՀՎՀՀ 00930884
Բանկ՝ «Արդշինբանկ» ՓԲԸ
Հ/Հ՝ 24701-00768150010

Գլխավոր տնօրեն՝



Ս. Նարանկյան